

穀

梁

申

義

穀梁申義序

記曰屬詞比事春秋教也春秋之失亂莊生
有言春秋經世先王之志聖人論而不辨自
魯哀以來微言絕矣五家爲師三傳遂昌先
漢以公羊爲正副以穀梁參以左氏自晉至
今左傳盛矣鄭康成名世大儒其釋記文尙
誤以左傳爲春秋況杜預之徒乎言穀梁者
唯櫟范傳于博士及唐唯用范氏今頒學宮

范爲先師晉代不以專門說經號爲通取故
范氏注穀梁而有毀傳之詞夫傳述聖言不
能無瑕然穀梁子私淑仲尼親研異同指事
立教必有宏旨受經授義義同君親入室操
戈昔人所傷說傳疑傳後生何述徒令蔑師
法侮聖言因緣抵隙六經皆譌自趙宋及前
明流禍烈矣余推測經文本傳公羊泛覽二
傳各得其趣左氏專於史離經別行其體卽

司馬本紀之準也聞駁意殊不關春秋其有
得失比之遷固乃三史之學非六經之誼已
別條辨箸于當篇至于穀梁依經樹義其有
離合難審其由後人見公穀之異同疑二傳
之所受樂左氏之事實曲春秋以從之故有
赴告則書陋同朝報月日無意隨其刀筆或
又悉廢三傳妄作褒譏亂其詞亂其事而春
秋亡矣今唯明公羊不足祛惑輒以淺學更

申穀梁務推其立說之原期于不亂而止諸
例增減舊注已詳茲但約舉巨疑不全載經
傳以穀梁儒者之論可爲世范故以授大女
使它日傳之尔同治八年秋七月乙未序

穀梁申義卷一

湘潭王闡運著

隱元年秋七月天王使宰咺來歸惠公仲子之

賵傳母以子氏仲子者何惠公之母孝公

申義曰公羊以爲仲子桓母今云惠母者
先師相傳有母以子氏之說以僖公成風
既是僖母惠公仲子必是惠母也穀梁子
未親聞微言但受大義凡人代年世史家
所重儒者所畧春秋不嫌同詞同號公羊
親受聖傳故知爲桓母穀梁直以詞事相
比以爲惠母世次雖舛然足張嫡庶之義
破母以子貴之誤說固無害於說經也

隱元年冬十有二月祭伯來傳來者來朝也

申義曰公羊以為奔蓋天子幾內諸侯無朝侯國者今以為來朝亦是比州公寔來之事明同為來朝也取足張人臣無外交之義不妨為異

隱二年十有二月乙卯夫人子氏薨傳夫人

公之妻也

申義曰公羊以為隱母今以為隱妻者既云隱居攝攝子無爵母之義不得稱夫人以事比之必君妻也公羊親受聖言故知為隱母隱讓不立而母稱夫人桓母貴反稱仲子啟羽父之邪心召桓公之逆謀故聖人著其薨去其葬以示由來之漸此則

以隱不葬妻為從夫而諱
妻稱夫人辭窮則同也

隱三年春王二月己巳日有食之
傳有內辭也或外辭

也辭

申義曰內者親愛尊敬之詞有或古一字
通用日食當言或食之不可知之詞也今
以內日故改或言有易曰
或益之或擊之皆外詞

隱五年九月考仲子之宮
傳禮庶子為君為
其母築宮使公

子主其祭也於
子祭於孫止

申義曰喪服小記論士大夫之祔禮因及
妾祔之禮曰妾祔於妾祖姑亡則中一以

上而祔又云妾母不世祭也雜記曰妾祔於妾祖姑無則從其昭穆之妾小記又曰妾無妾祖姑者易牲而祔於女君可也中一以以上是高祖之妾也穀梁傳論廟制諸侯五大夫三士二今小記之說祭及高祖之妾似諸侯之廟矣雜記又云從昭穆則大夫士之禮也既祔妾祖姑則孫祭未止而小記云不世祭傳云於孫止者別築宮之禮耳凡築新宮必有祔祭妾不體君必從妾食禘之曰先爲妾祖姑若高祖姑之位祝詞宜云子某用絜牲嘉薦適尔所生高祖姑某氏以隣祔尔孫妾某氏尙饗其三虞詞曰子某哀薦成事適爾所生高祖姑某氏無妾高祖姑則易牲而祔於女君此是諸侯之禮也若公子公孫爲大夫士雖不得祭高祖妾母而高祖廟未毀故亦

得稱高祖。妾姑。宜易牲而禘。女君也。若庶姓大夫士
無妾祖姑。宜易牲而禘。女君也。耐本稱其
所合食之祖。以安亡者。以高祖妾先。經立
廟。故引以爲祝詞。非謂祭及高祖妾。祖妾
也。大夫士既不得祭高祖。自不可稱高祖。
之妾。故以昭穆也。凡祭妾母。必其女君先
亡。妾乃得有其子。若女君在而妾亡。其子
厭尊。既不得立廟祭也。禮經總麻服章曰。庶
服亦不得立廟祭也。禮經總麻服章曰。庶
子爲父後者。爲其母服。既是以總麻服。容有祭
以父及君母在也。女君亡。則爲其母得三
年禮經疏衰三年章曰。慈母如母。明其得
申三年也。知非終身服總不間存亡者。總
傳曰。有死于宮中。則爲之三月不舉祭。因
是以服總也。以其父不舉祭。故子得服總。若
父已歿。何敢以其母死而言有死於宮中。

乎已母若尙服總何云慈母三年乎三年
章既有慈母如母之文不分公大夫士慈
母尙尔己母可知彼以父命而申此以父
在而厭厭則全厭申則全申所以然者其
母恩重義同罔極既不可服以兄弟之服
又不取服期故厭而無服乃服總也亦緣
其子德厚流光傳重配尊故其母亦得於
君及女君既歿之後申至三年也經曰葬
我小君成風則妾焉小君聖人所當名
小君何容服總故知三年總之分以君存
亡異之女君於妾尊同于君厥尤近爲知
女君在亦不敢服也小功章傳曰君母之
父母從母君母在則不敢不從服君母不
在則不服益知君母之厭同于先君其不
爲後則大夫之妾子爲其母人功禮經大
功章曰大夫之庶子爲母是也鄭君云士

之子服期然不爲後不得有祭故申其服
既父在服大功期雖父歿女君亡不容加
至三年以卑賤不得申故父在亦不過厭
進退之理當如此耳舊以慈母如母亦不
爲後者之服今以立宮別祭恩禮隆重故
推禮意女君亡妾子得申三年也祭雖別
立宮必傍禰宮故必祔祖以別昭穆若自
祖以上世嫡相承則無所祔宜祔女君也
至孫則罷其祭瘞其主故曰不世祭也若
庶士以下無廟者宜祭寢其母所居之寢
祔詞疑亦稱女君也凡厭者父在則然若
帝子公子別有封國其母隨子至國或有
官府其母從官則不用大夫庶子大功士
庶子期之制當同父卒可申三年也夫父
卒之申本以朝夕起居無父在旁故居喪
無嫌非云死今父妾子別有國府居處之

禮既無所嫌其母外出已不體君上無所
厭情自可申至於立廟上配祖考恩有遠
近不容至孫以妾賤德薄故也仲子之廟
宜在惠公時立今據歸昭在元年知仲子
卒在惠末年范說仲子卒在孝公時故無
謚平王崇禮諸侯仲子早卒無因追贈因
惠公之喪而來昭之既望文爲說竝非事
實凡說春秋欲通三傳而申一家則必陰
取他說別出已意公羊以爲兼之非禮左
氏以爲子氏未薨與穀梁絕異范乃云周
惠歸仲則惠公仲子復非子氏其母又以
無謚疑於未死故云妾子爲君方得謚今
卒在前故不謚禮無明文皆意造耳推穀
梁之意仲子不謚成風有謚自由當時事
殊仲子不卒不葬自由在春秋之前故傳
文云志不及事若左氏以夫人子氏似卽

仲子故造未薨而贈之說揆之情事必不
若彼左氏書法先儒通識以爲皆劉歆以
後傳左氏者所妄加定

年隱

七 滕侯卒

傳

滕侯無名少曰世子長日

申義曰公羊以爲微國不名注所傳聞之
世遠也今以爲無名者莊卅一年薛伯卒
僖廿三年杞子卒竝不日昭五年秦伯卒
雖承戊辰日下日宜別出隱八年夏六月
辛亥宿男卒日而不名註以未能同盟別
之則此五不名下日者比事相同是無
名秋道也成十六年夏四月辛未滕子卒
日而不名彌是無名之比故以秋道說之
公羊微國之
義具公羊箋

隱八年夏

辛亥宿男卒

傳

宿微國也未能

中義曰公羊無傳當與滕侯同今知非同
狄無名者既特書日故知與滕事異也上
經書及宋人盟于宿傳云宿邑名也邑者
附庸之稱附庸同盟不書宿為附庸亦不
得顯故特起例書其卒而不名以明之宿
既非夷故從正卒正卒不名事無可比因
上經盟于宿而推之知以微國不同諸侯
則凡附庸不書皆可見矣左氏有赴告方
書之說眾所習聞乃引
以解此經故致謬也

隱九年

春天王使南季來聘

傳

聘問也聘諸

申義曰范甯引周禮大行人云天子有下
聘之義案記曰天子制諸侯三年大聘比

年小聘禮經聘禮列國之事賓主之禮天子
于諸侯但有問問歸賑賀慶致禴王人
雖微序于諸侯足以及相敵今來而用相朝
之禮車逆拜辱車逆三還則授圭致命事
無所施若訝賓入次旅擯迎賓門內問君
勞賓全用列國之禮則褻越王人失禮莫
大故聘禮一篇無王人之文假有聘禮何
容不及大行人諸侯得時聘天子天子自
間問以下四禮皆有所持如覲禮用璧勞
及賜車服之儀耳不用聘禮也周衰禮廢
天子使來而用聘儀待之使者不能自正
故書天王使某聘文與列國同比事觀之
自知非正公羊不譏者本新周王魯義別
有在儒家之說不取王魯故傳曰石尚欲
書春秋日久矣周之不行禮于魯也請行
賑若有聘禮石尚自可請行不待行賑明

矣經書王使來聘者七隱七年冬天王使
凡伯來聘未及國而見執事無所譏故重
戎衛而已桓四年夏天王使宰渠伯糾來
聘五年夏天王使仍叔之子來聘八年春
天王使冢父來聘僖三十年冬天王使冢
父來聘宣十年秋天王使王季子來聘皆
譏非正可知莊二十二年祭叔來聘傳曰
不正外交則祭叔自來行聘非王所使也
或者歸賑使士則問問亦士不使大夫今
七子皆大夫大夫來則不用問禮而又無
聘禮假以聘使待
之故云聘非正也

桓四年無

昭十年十有二月甲

秋冬二時

子宋公戌卒不書冬

申義曰范甯竝云未詳今案僖二十八年
傳云王申公朝于王所其不月失其所繫

也若無秋冬二時及十二月無冬必有傳
明其義今并無傳則作傳時有二時及冬
明矣蓋先師欲比附
公羊刪削以求合耳

桓元年
王使榮叔來錫桓公命

申義曰范駁何君以天王與王舊史有詳
畧夫子因而弗革謹案凡因史文者如夏
五伯于陽之類也若王與天王天子其義
易知故歧其文明必有意故傳曰隱無正
桓無王文無天成八年秋七月天子使召
伯來錫公命傳曰曰天子何也見一稱也
公羊傳曰元年春王正月正也其餘皆通
矣何君說相通以見刺譏是則得書元正
者雖隱無正不沒正桓無王不沒王也餘
則文五年春王正月王使榮叔三月王使

毛伯及此經皆不稱天。成八年稱天子不稱天王。公羊與穀梁惟發一傳以例其餘。待學者之比事耳。不顯言者本傳但聞有。意義而無信證。故先師亦不敢說也。范以出居于鄭及任叔之子家。父求車等例去。天之非貶稱天之非褒。此三者失自顯見。若錫命含葬禮有常經。不去天王何以知。刺傳明言桓無王。今來錫命不可云天錫。故去天著王。仍是無王之義。文無天故使。榮叔毛伯並稱王。而元年書天王使毛伯。來錫公命。仍稱天。以明文之罪。自逆祀始。也。春秋凡三錫命。獨成稱天子。傳言見一。稱說具于後。

莊元

齊師遷紀邾鄆鄆

傳

邾鄆鄆國也。或曰遷紀于邾鄆。

申義曰邾鄆鄆卽紀後遷之邑故國之或曰齊師遷之非紀自遷公羊以爲取邑義本相通范以有別國名邾鄆鄆與紀俱爲齊所遷則當再書齊師又乖復見之文非也

母之子也可尊者取尊

申義曰此明不書葬天王而書葬王也天子尊稱非通號故不言天子嚮而曰天王自民言之則曰王係天則非極尊故舉謚稱王足以著統其曰母之子者卽惠公

申義曰此明不書葬天王而書葬王也天子尊稱非通號故不言天子嚮而曰天王自民言之則曰王係天則非極尊故舉謚稱王足以著統其曰母之子者卽惠公

U

仲子僖公成風以子氏者也妾卑故取子
為稱子亦卑也天尊故係天不申其尊王
自至尊無取天也范云眾人

莊四年

紀侯大去其國

傳

不言滅而曰大去其國者不使小人

加乎君子

申義曰公羊以為為襄公諱賢襄公之復
讐此云小人者公羊賢襄公取為魯莊不
復讐之鍼砭耳非謂紀侯不賢也齊紀俱
賢故特言大去若齊賢紀不賢自可書齊
師滅紀紀賢齊非賢宜如露子嬰兒謹日
也然傳云齊侯小人則無賢齊之義事異
公羊而不書日月亦不惡齊云小人者對
紀賢而言非必絕齊甚于他滅可互通也

何廢疾曰春秋楚世子商臣弑其君其後
滅江六不言大去又大去者於齊滅之不
明但知不使小人加乎君子而不言滅縱
失襄公之惡反爲大去也鄭釋曰商臣弑
其君大惡也不得但爲小人江六之君又
無紀侯得民之賢不得變滅言大去也元
年冬齊師遷紀三年紀季以鄫入于齊今
紀侯大去其國是足起齊滅之矣卽以變
滅言大去爲縱失襄公之惡是乃經也非
傳也且春秋因事見義舍此以滅人爲罪
者自多矣申義曰何論失襄之惡鄭論江
六非賢皆是也鄭以何義難答猥以經傳
游詞拒之何君經自不縱惡何能知穀梁
傳異說乎今釋何難直以襄公非惡故變
言大去若直書滅而別見紀賢則襄公爲
小人不書滅明非小人也

莊六年

春王二月壬子突救衛

傳

王人卑者也稱

名貴之也

何廢疾曰稱子則非名也鄭釋曰王人賤者錄則名之今以其銜合救衛故貴之貴之則子突爲字可知明矣此名當爲字誤爾申義曰傳以子突係王人之下明其非字蓋突是王子之末爵者故以子冠名若實稱字不得加王人也突旣王子末爵不可稱王子突又不可云王突復不可單舉突比之王人及石尙王子瑕之例知當以貴之之故書名實微故書人也鄭以子突爲字暗同公羊之誼故何君譏其入室而操戈也

莊九年

夏公伐齊納糾

傳

當可納而不納齊變而後伐故乾時

之戰不諱敗恩內也

何廢疾曰三年溺會齊師伐衛故貶而名之四年公及齊人狩于郕故卑之曰人今親納讐子反惡其晚恩義相違莫此之甚鄭君釋曰於讐不復則怨不釋而魯釋怨屢會仇讐一貶其臣一卑其君亦足以責魯臣子其餘則同不復議也至於伐齊納糾譏當可納而不納爾此自正義不相反也申義曰公羊以乾時之戰不諱敗者伐敗也穀梁以爲惡內者春秋經前如鄭說之法儒者所不能傳卽事而論誠如鄭說范注疑傳或失之以不待貶絕爲此經之義顯與傳違今所不取

莊

二十二年春王正月肆大眚

傳肆失也
眚災也

災紀也失故也爲
嫌天子之葬也

申義曰公羊以爲譏始忌省謂哭辟子卯也今以爲失大災爲大赦者案上下旣無水旱之文文在夫人薨葬之間夫夫人薨葬皆無貶而著此肆眚之文故知大赦然後除文姜之罪若在薨前卽嫌天子赦之今在葬前是莊公欲葬母而濫恩以說國人也堯典云眚災肆赦康誥云乃惟眚災眚之爲罪名經典無異赦而後葬直書其事足明莊之念母忘讐亦足以張大法矣災紀也也古邪字弟子問赦令常事眚災亦須紀邪答云失故也言以失罪故紀之也文姜罪不可赦今肆大眚爲故失有罪故

特書之傳中也當作邪者凡有數處范不

識也之為邪而云紀治理也有罪當治理

之今夫之者以文姜之故二句

文義隱踴難通經傳無此詞也

莊二十二年春祭叔來聘傳故不正其外交

申義曰公羊無傳何君以為天子下交小

人故不稱使今知貶外交者隱元年祭伯

來與此相比明祭以寰內諸侯屢交於外

前稱祭伯知為諸侯此稱祭叔知是大夫

也周公祭伯各從其爵祭有公伯祭公

來是祭伯入為公祭伯來是從其本封祭

叔者蓋未受封而先為大夫也大夫不可

行朝禮又非受命來使不可以聘諸侯非

正之詞言之故直書來聘明無所受主議

祭伯也何煥疾曰南季宰渠伯糾家父

莊二十四年

冬赤歸于魯郭公

傳赤蓋郭公也

宰周公來聘皆稱使獨于此奪之何也鄭
釋曰諸稱使者是奉王命其人無自來之
意今祭叔不一心于王而欲外交不得王
命來故去使以見之是也范以叔為祭伯
之名若果襲封不得舍伯而稱名此祭叔
自是以祭氏非諸侯也諸侯來不得言聘
申義曰公羊亦云曹無赤者蓋郭公也郭
公二字先師所殉記非經文大字也經文
本宜云郭公赤歸于曹故公羊云失地之
君穀梁云諸侯無外歸之義口相傳授知
赤是郭公也若經文本有郭公二文傳不
須云蓋以疑之當云郭公者何赤也何以
言曹郭公云云今直問赤而不問郭公知
經文本無郭公也公羊傳弟子問郭公者

何承赤蓋郭公之下乃問師言非問經文
何君誤以曹郭公爲經文穀梁經不誤也
莊二十曹殺其大夫傳言大夫而不稱名

申義曰公羊以爲取不稱名今知是無命
大夫者以曹是次國羈己是命大夫今復
有大夫記曰次國二卿一卿命於天子曹
羈之外制無命大夫公羊則以國君所命
亦得爲大夫傳穀梁者誤以大夫卽羈不
知二誼各異也傳云爲曹羈崇明是因羈
而貴其僚友何
云羈受戮乎

莊二十七年夏六月公會齊侯宋公陳侯鄭伯同

盟于幽

傳

衣裳之會十有
一兵車之會四

申義曰鄭釋廢疾云自柯之明年葵丘以前去貫與陽穀固已九合矣去貫與陽穀非二傳之義也公羊曰遠國言江黃大國言齊宋以爲其餘莫敢不至穀梁傳同是貫爲大會穀梁言陽穀之會桓公委端指笏而朝諸侯公羊亦以爲大會是陽穀亦不可去而不數先儒以管仲不欲會江黃遂去之以就九合鄭意數此十一會謂柯一二邾鄆三幽閭權六貫七陽穀八首戴九甯母十葵丘十一也兵車四會則鹹洮牡丘淮也欲就九合則去柯與葵丘以柯乃伯始葵丘乃伯終也鄭以貫與陽穀不數爲九合蓋失之矣或者鄭本破先儒之言故云不去貫與陽穀傳寫誤作去若鄭本言去此二會則當云自柯至葵丘不必云柯之明年葵丘以前也云明年云已前

足明二會當去范以非杏爲一會不數柯
非杏桓尙未伯桓之信自柯始雖非合諸
侯而管仲功莫大焉不得以非杏伐柯也
史記云齊桓公伯于鄆則亦自柯之明年
始與鄭說同至論語本意自以異地爲數
不取二鄆二幽與此傳十一會實無異也

莊三十一年冬

齊人伐山戎

傳齊人者齊侯也其
日人何也愛齊侯

乎山戎也則非
之乎善之也

申義曰公羊以爲貶今云善之者比下獻
戎捷稱齊侯知不爲貶使若遣人足以制
戎不以侯敵戎也僖十年齊侯許男伐北
戎不愛之者以有許男在亦猶公不敵大
夫而諸侯同會盟則不嫌也公羊以爲貶
者桓伐無罪之衛盡取紀邑又不能救邢

衛使狄滅之中國尚不治何暇敵戎穀梁
直論本事之善惡取其攘戎狄不妨爲異
也

莊三十一年夏六月齊侯來獻戎捷傳內齊侯也
言使也

申義曰公羊以爲威我今知內之者比僖
二十一年楚人使宜申來獻捷不爲威我
又威我不當言侯來獻故知內之若取郛
取防歸于我亦不言使又齊侯自來當云
來朝今云來獻明是使人又不言使必是
內之公羊親受聖言比事屬辭知齊桓有
驕矜之心書侯
爲貶義不相妨

莊三十一年秋七月癸巳公子牙卒

何廢疾曰傳例大夫不日卒惡也牙與慶父共淫哀姜謀殺子般而日卒何也鄭釋曰牙莊公母弟不言弟其惡已見不待去日矣范云案傳例諸侯之尊弟兄不得以屬通不稱弟自其常例鄭君之說甯所未詳申義曰牙弑子般公羊所傳穀梁未聞也此不日卒自是正卒鄭取公羊以說穀梁故與傳例異耳

閏二年冬齊高子來盟傳不言使何也不以

申義曰公羊以爲我無君今知然者比屈完不稱使知權在高子也君不行使乎大夫自公羊之義穀梁則內大夫可敵諸侯

僖元年冬十月壬午公子友帥師敗莒師于麗

獲莒挈傳內不言獲莒其言獲何惡公子之給

申義曰公羊以為大季子之獲今以為惡

公子者傳曰獲者不與之辭公羊美惡不

嫌同辭又穀梁所傳季子挑戰一人給而

殺之棄師之道知以獲挈而後敗莒也

僖四年夏楚屈完來傳青茅之貢不至

盟于師盟于召陵傳故周室不祭

申義曰史記封禪書管仲對齊桓公曰古

者封禪江淮之間一茅三脊所以為藉也

禹貢荊州貢包匭菁茅左思吳都賦職貢

納其包匭劉逵注云菁茅生桂陽可以縮

酒給宗廟異物也管子輕重篇云江淮之

間一茆三脊名曰菁茆江淮亦作江匯故

云出桂陽也括地志云辰州盧溪縣西南
三百五十里有包茅山與江淮江匯均不
相合非也周若甸師祭祀供蕭茅或作蕭
茅許氏說文曰束茅加于裸圭而灌鬯酒
是爲蕭然則宗廟縮酒之茅甸師所供封
禪乃用荊州菁茅耳楚有王者則後服無
王者則先叛楚不服不得爲太平不可封
禪故曰周室不祭非不祭宗廟也常祭不
以楚叛而廢
豈足以責之
倍九年九月戊辰諸侯盟于葵丘
傳桓盟不
以日美也爲見天
子之禁故備之也
何廢疾曰卽日爲美其不日皆爲惡也桓
公之盟不日皆爲惡邪莊十二年柯之盟

不日爲信至此日以爲美義相反也鄭釋
曰柯之盟不日固始信之自其後以不日
爲平文從陽穀以來至此葵丘之盟皆令
諸侯以天子之禁桓德極而將衰故備日
以美之自此不復盟矣申義曰隱無正而
元年有正桓無王而元年二年十年十八
年有王此傳明始終之義

何君妄駁不足深咎也

僖九年

冬晉里克殺其君之子奚齊

傳

其君

云者國人
不子也

申義曰公羊以爲未踰年君見殺之通稱
不容有意例今云國人不子者未葬稱子
自可如宋子之比云殺晉子奚齊今云其
君之子比之殺世子母弟曰君惡之之例

知是國人不子
故不稱晉子也

傳
十年秋八月大雩

傳
雩得雨曰雩
不得雨曰旱

何廢疾曰公羊書雩者善人君應變求索
不雩則言旱旱而不害物言不雨也就如
穀梁設本不雩何以明之如以不雨明之
設旱而不害物何以別乎鄭釋曰雩者夏
祈穀實之禮也旱亦用焉得雨書雩明雩
有益不得雨書旱明旱災成後得雨無及
也國君而遭旱雖有不憂民事者何乃廢
禮本不雩禱哉顧不能致精誠也旱而不
害物故以久不雨別之文二年十三年自
十有二月自正月不雨至于秋七月是也
穀梁傳曰歷時而言不雨文不閔雨也以
文不憂雨故不如僖時書不雨文所以不

閔雨者素無志于民性退弱而不明又見
時久不雨而無災耳申義曰傳意願於哀
元年秋大雩之傳彼云古之人重諱必待
其時窮人力竭不雨則無及之月凡雩者
非常之灾也不雨則旱雨則喜而書雩凡
書不雨者不爲灾也鄭以常雩明此雩非
傳意也何以本不雩爲難亦非也本不雩
亦不過爲旱灾公羊爲王者設大法故須
明之穀梁但以得雨不得雨爲重無譏人
君之意所以言文不閔雨但以一時歷時
爲此卽閔雨如湯而致七年旱自有一時
成灾何須屢書雩乎人君亦不以雩爲賢
也

僖十
四年

春諸侯城緣陵

傳

其日諸侯
敝辭也

何廢疾曰案先是盟亦言諸侯非散也又穀梁美九年諸侯盟于葵丘卽散何以美之邪鄭釋曰九年公會宰周公齊侯宋子衛侯鄭伯許男曹伯于葵丘九月戊辰盟于葵丘時諸侯初在會未有歸者故可以不序今此十三年夏公會齊侯宋公陳侯衛侯鄭伯許男曹伯于鹹而冬公子友如齊此聘也書聘則會前固已歸矣今云諸侯城緣陵而不序其人明其散桓德衰矣葵丘之事安得以難此申義曰書諸侯本無散義穀梁直以桓爲伯而不專杞城明非桓功故爲德衰若盟葵丘會扈舉諸侯者自是聚會之文救徐會宋書諸侯大夫非此事之比也

僖十五年

己卯晦震夷伯之廟

傳夷伯魯大夫也

申義曰公羊以爲季氏之孚今比單伯不
名外異不書之事知是魯大夫也公羊別
受師傳故知爲微者

僖十八年夏五月戊寅宋師及齊師戰于鹹齊師
敗績傳客不言及言

何廢疾曰戰言及者所以別客主直不直
也故文十三年晉人秦人戰于河曲兩不
直也故不云及今宋言及明直在宋非所
以惡宋也卽言及爲惡是河曲之戰爲兩
善乎又穀梁以河曲不言及畧之也則自
相反矣鄭釋曰及者別異客主耳不施於
直與不直也直不直自在事而已義兵則
客直宣十二年夏晉荀林父帥師及楚子

戰于邲晉師敗績是也兵不義則主人直
莊二十八年春衛人及齊人戰衛人敗績
是也今齊桓卒未葬宋襄欲與霸事而伐
喪于禮尤反故反其文以宋及齊卽實以
宋及齊明直在宋邲之戰直在楚不以楚
及晉何邪秦晉戰于河曲不言及疾其亟
戰爭舉兵故畧其先後申義曰經書戰言
及者十有五晉及秦于韓及邾于升陘宋
及楚于涇晉及楚于城濮晉及秦于彭衙
于令狐衛及齊于新築季孫行父等及齊
于鞏宋及鄭于大棘晉及楚于邲鄭于鐵
楚及吳于長岸齊及吳于艾陵惟莊二十
八年齊人伐衛言及不地其餘皆與此相
比此獨知是齊爲主者以上書伐齊正與
莊二十八年齊人伐衛相比不與餘同彼
以于伐與戰知衛爲主貶齊而稱人此雖

稱師而以戰事由宋亦知是貶客也及者我欲之齊喪而宋欲戰其貶可知公羊伯宋之說儒者所不傳也

僖十年冬邾人伐衛 傳 狄其稱人何也

八年冬邾人伐衛 傳 善累而後進之

救齊也 何廢疾曰即伐衛救齊當兩舉如伐楚救江矣又傳以爲江遠楚近故伐楚救江今狄亦近衛而遠齊其事一也義異何也鄭釋曰文三年冬晉陽處父帥師伐楚救江兩舉之者以晉未有救江文故明言之今此春宋公曹伯衛人邾人伐齊夏狄救齊冬邾人狄人伐衛爲救齊可知故省文耳事同義又何異申義曰何鄭皆非也文三

年冬處父伐楚救江二傳皆云伐楚以救江明兵不至江但致其意故公羊譏其為諉何反為兩舉乎今此上救齊下伐衛正是兩舉其事不一其義自異無為妄說

僖十九年

梁亡

傳

梁亡出惡正也

申義曰出惡正者舊以為因有惡政而民出亡今推無加損之意蓋如日卒正不日卒惡之惡惡言惡亡正謂正亡也既不書滅自當書亡不見梁惡亦非其正出二者之外也鄭棄其師既非師敗亦非將奔則由上棄之故如其意亦無加損也或者出當作由言由政惡而亡也

僖二十一年

五月乙巳西宮災

傳

謂之新宮則近為禍宮以

謚言之則如疏之然以是爲閔宮也

申義曰公羊以爲小寢此比新宮桓宮僖宮之詞知是宗廟也不比襄楚宮者以凡書災必舉重雉門尊故竝及兩觀得書若但後宮災不足記載且比宋伯姬卒不言宋宮災宣榭以樂器所藏目之今若直焚宮而不傷人則不得爲災傷人亦唯以君夫人世子大夫爲重世婦以下不書于策則災死亦不書足明重輕所在與公羊異僖二十有二月釋宋公傳外釋不志此一年冬十有二月釋宋公言楚不與楚專釋也不公之與之盟目之也不何廢疾曰春秋以執之爲罪不以釋之爲罪責楚子專釋非其理也公羊以爲公會

諸侯釋之故不復出楚耳鄭釋曰不與楚
專釋者非以責之也傳言公與諸侯盟而
釋宋公公有功焉與公羊義無違錯申義
曰春秋書執而不書釋者有九晉文公執
曹伯衛侯晉人執鄭伯莒子邾子晉厲公
執曹伯楚人執徐子其戎曼子赤曹伯陽
皆滅邾子益爲內執然惟此書釋事無可
比故知釋皆不志此比比楚宋平同以我
志也晉釋曹衛我亦在而不書釋故知彼
與晉此不與楚也會者外爲主非以公有
功明矣

僖三十
年冬
公子遂如京師遂如晉
傳以尊遂
言不敢叛
乎卑此
京師也

何廢疾曰大夫無遂事案襄十二年季孫宿救台遂入鄆惡季孫不受命而入也如公子遂受命如晉晉不當言遂鄭釋曰遂固受命如京師如晉不專受命如周經近上言天王使宰周公來聘故公子遂報焉因聘于晉尊周不敢使竝命使若公子遂自往然卽云公子遂如京師如晉是同周于諸侯叛而不尊天子也公羊傳有美惡不嫌同詞何獨不廣之于此乎申義曰公羊以爲公不得爲政今比成十三年公如京師遂伐秦非真如京不叛京師耳遂本如晉因使過周簡略已甚亦比公子結辟要盟言遂及齊侯宋公盟也歸父還自晉遂奔齊亦辟子奔父之臣也季孫宿遂入鄆亦辟宿自入鄆也凡言遂皆有所辟若無所辟卽當爲兩使之詞鄭以本使京師言

之似非傳意

僖二十二年冬十有一月泓之戰

傳司馬

申義曰麋信曰子反當為子夷公羊云公
子目夷左氏云子魚案尔疋馬二目白魚
一曰白鰓說文解字曰部云販多白眼也
子魚蓋多白眼故名魚字子販作反省文
耳夷魚蓋一聲之轉
或者目傷多白眼也
之傳則眾敗而身傷

戰泓

何廢疾曰即宋公身傷當言公不當言師
成十六年楚子敗績是也又成十六年傳
曰不言師君重於師也即成十六年是什
二年虛言也即廿二年是十六年非也鄭

釋曰傳說楚子敗績曰四體偏斷此則目也此言君之目與手足有破斷者乃為敗矣今宋襄公身傷耳當持鼓軍事無所害而師猶敗故不言宋公敗績也傳所以言眾敗身傷焉者疾其信而不道以取大辱申義曰傳言七月而死則重于楚子而鄭云事無所害似失之矣本書曰宋師敗者以公棄師致敗也楚子直身敗師未敗但以君重於師而云敗績故專以楚子為重耳

僖二十二年夏五月庚寅宋公茲父卒傳茲父之

也失民也其失民何也以其不教民戰則是棄其師也

何廢疾曰所謂教民戰者習之也春秋貴偏戰而惡詐戰宋襄公所以敗於泓者守

禮偏戰也非不教其民也孔子曰君子去
仁惡乎成名造次必於是顛沛必於是未
有守正以敗而惡之也公羊以美其有承齊桓
爲襄公諱背殯出會所以美其有承齊桓
尊周室之美志鄭釋曰教民習戰而不用
是亦不教也詐戰謂不期也既期矣當觀
敵爲策倍則攻敵則戰少則守今宋襄公
于泓之戰違之又不用其臣之謀而敗故
徒善不用賢良不足以興霸主之功徒言
不知權譎之謀不足以交鄰國會遠疆故
易譏鼎折足詩刺不用良此說善也申義
曰何君以公羊之誼譏穀梁此責越人以
章甫也鄭君又以穀梁爲長亦未足以荅
公羊之難穀梁經國君曰卒而不書葬
者宿男陳躍衛朔邾瑱晉詭諸鄭接踰費
滕子邾闚蘧陳晉黑臀衛鄭齊潘陳朔宋

樂說及茲父凡十七君其楚審昭旅居軫
五君自以夷狄不葬餘十六君皆不發傳
明俱以惡及不正或微國不葬耳獨茲父
稱伯而無惡故先師疑之推其意卽以泓
戰貶耳公羊推襄公比文王其義宏深非
儒者所及鄭但當荅傳比事之義不宜申
穀梁左氏世
俗之說也

僖二十有七年春
僖二十有七年春
僖二十有七年春

杞子來朝
文十有杞伯來朝
襄廿杞子來盟

申義曰杞自莊二十七年來朝稱伯後皆
稱伯獨僖廿三年稱子以卒蓋稱子廿年
至文十二年乃復稱伯杞二王後本公爵
公羊以爲黜杞故宋新周伯子男一等爵

見二稱以明非本爵乃王者絀之耳穀梁
儒者雖傳有故宋之說且周自遷洛令行
義范氏乃云時王所黜且何緣黜杞陟杞
畿內各一衛侯而不能致何緣黜杞陟杞
也黜爵進爵事久不行徇杜氏之謬說誣
先師之傳習甚無謂也此稱子者公羊以
爲爲徐莒所脅微弱故從微國月卒不名
穀梁無傳則自比狄道不名若滕侯秦伯
之例也後來朝亦稱子亦無傳則杞自降
爲子後復爲伯名從主人無關義例耳
僖卅三年夏四月辛巳晉人及姜戎敗秦于殽
傳秦越千里之險入虛國不能守退敗其師
自殽之戰始也

申義曰後文十年夏秦伐晉亦狄之故云
自般始云亂子女之教者子女當作父子
謂百里蹇叔父諫而子將父不能止子行
子亦不用父命也無男女之別者蓋相傳
三帥之還由夫人請於朝女與國事是無
別也舊以爲師行無禮傳無其文且秦師
果淫掠不宜自殺始或者殺大敗死傷多
以寡婦配兵士如句踐之令皆無文以明
之然入滑縱掠當書秦入滑今無狄文
則爲狄自與晉戰始故後再題以顯之
文
五年春王正月王使榮叔歸含且贈傳

其曰且志兼也其不言來不周
事之用也贈已早而含已晚

何廢疾曰四年夫人風氏薨九年秦人來
歸僖公成風之禭最晚矣何以言來鄭釋

曰秦自敗於殽之後與晉爲讐兵無休時
乃加免穆公之喪而來君子原情不責其
晚申義曰鄭君詭言以拒難非傳意也禮
經君於士喪使人弔大小斂使人祔既祖
莫使人贈柩至邦門使人五人贈凡五使矣天
子於諸侯雖道遠未必五使要之始赴遣
一使祔弔將葬遣一使贈贈相相距數月不
可兼之以禮文之用貴周也周衰禮廢故
襍記遂有含祔贈臨同日畢事之文夫方
含旋贈情禮顛沛知禮者所不許經見一
譏先責天王王固禮之所出也秦在夷狄
六年始祔譏文自明何爲原情恕之又含
當入口祔當附身侯服去王畿五百里外
必不虛加含祔之使歸含已非禮意矣况
比方言卽贈奪主人之哀節越喪禮之大序
比方言之爲當含耶則贈已早爲當贈耶

則舍已晚譬之行冠禮而乃縣弧始

文六年冬十月晉趙盾賢夜姑

殺其大夫陽處父傳仁其不可乎

申義曰仁者當時無才能之名也論語曰

仁而不佞以仁為詬病非經典所云仁也

宣九年傳泄治曰使仁人聞之則猶可使

國人聞之則不可泄治非自謂仁人正自

謂國人耳猶言庸人聞之

猶可國士聞之不可也

同傳上傳故士造

申義曰王引之說造辟即造剋

今促剋字也辟剋形近而誤

文十一年冬十月甲午傳不禽二毛

叔孫得臣敗狄於鹹

申義曰不重創云云左氏以爲宋襄公之
論穀梁前譏其何以爲人而此又引之者
長狄一人入魯魯聚眾僅乃勝之故必攢
刃於一人損威莫大不書獲不使眾敵一
人之辭也不重傷者不以二人敵一人非
已射而不可斷首之謂不禽二毛不以壯
敵老亦非方叔不敵太公之謂皆恥其陵
弱暴寡耳若勇力兼常自可結陳靜待之
無取挑戰徒傷軍略左氏誤解重傷而云
傷未及死如何勿重襄公雖愚未至若此

宣

二年春王二月壬子宋華元帥師及鄭公

子歸生帥師戰于大棘宋師敗績獲宋華元

傳

獲者不與之辭也言盡其眾以救其將
也以三軍敵華元華元雖獲不病矣

申義曰經書獲者敗莒師獲莒師獲莒挈侵蔡獲
蔡公子燮吳敗頓胡沈蔡陳許之師獲陳
夏馮艾陵齊師敗績獲齊國書及此凡五
獲侵蔡以病公子獲挈以惡季友餘三獲
皆不與之詞以比韓之戰獲晉侯師不言
敗知凡言敗言獲皆師救其將將不易獲
也莒挈內獲而以先敗後獲為難詞有優
外之文故知惡季友也何廢疾曰書獲皆
生獲也如欲不病華元當有變文鄭釋曰
將帥見獲師敗可知不當復書師敗績此
兩書之者明宋師懼華元見獲皆竭力以
救之無奈不勝敵耳華元有賢行得眾如
是雖師敗身獲適明其美不傷賢行今而
書敗獲非變文如何是鄭亦據韓為說也
宣六年仲遂卒于垂傳何也疏之也何為

疏之也是不卒者也不疏則無用見其

申義曰公羊以爲爲弑子赤貶之去公子此知疏之者比公子輩貶不書卒此亦不書而以譏宣宜書若書遂卒嫌與媾去叔孫意如去季孫同爲君臣之詞承上公子而挈之耳改書仲遂則意義自明僖十六年公子季友卒傳云大夫不稱公子公孫但疏之也不從貶絕而

隱三夏四月辛卯尹氏卒

上經書三月傳尹

者何也天子之大夫也外大夫不卒此何以卒之也於天子之崩爲魯主故隱而卒之

隱三

秋武氏子來求賻

傳

武氏子者何也天子之大夫也

天子之大夫其稱武氏子何也未畢喪畢喪孤未爵未爵使之非正也其不言使何也無君也

僖廿五年夏宋殺其大夫傳其不稱名姓以其在祖之位尊之也

文七年夏宋人殺其大夫傳稱人以殺誅有罪也

文八年冬宋人殺其大夫司馬傳司馬官也其以官稱無君

也之辭

文八年冬宋司城來奔傳司城官也其以官稱無君之辭也○僖廿

五年在宋公茲父大祥之內文七年夏四月宋公壬臣卒至八年冬亦在大祥之內

文十五年

年春

三月宋司馬華孫來盟

傳

司馬官也其以

官稱

無君之辭也。上十四年秋宋子哀來

奔傳

曰其日子哀失之也十六年冬宋人弑

其君

杵曰

莊九

年春

公及齊大夫盟于暨

傳

公不及大夫

君也

○上年冬齊無知弑其

君諸

兒此年春齊人殺無知

文七

年秋

公會諸侯晉大夫盟于扈

承晉侯謹卒小祥之月

傳

其日諸侯

略之也

宣十

年夏

齊崔氏出奔衛

傳

氏者舉族而出之辭也。上經書

己巳齊侯元卒

申義曰經於王朝列國大夫不稱名字者凡十一條尹氏武氏子崔氏皆書氏宋司馬司城司馬華孫皆書官華孫之稱同於高子女叔而特發以官稱之傳齊宋晉曹皆直書大夫惟曹大夫發曹無大夫之傳明其獨異此所列十條武氏子傳云孤未爵宋司馬司城司馬華孫齊大夫皆曰無君尹氏不言其故崔氏云舉族出之宋大夫云在祖位尊之晉大夫不言其故傳說既異注家互殊今推尋經文傳意當合一例皆嗣君未畢喪未爵而命大夫同為無君之詞也諸稱氏稱官稱大夫皆在其君喪大祥之內四發無君之傳鄭以為無君德非也鄭既知文七年宋殺其大夫為無

嗣君同一無君而作二解春秋失德之君
至眾何獨於宋而責君德傳於宋殺大夫
云以在祖位尊之此卽孔父不稱名或說
爲宋諱乃別傳之異義耳公羊有譏世卿
之義故尹氏不名穀梁不譏世卿尹氏何
以無說知同下武氏子爲未爵也未爵無
君二義不異晉大夫不名而傳曰稱諸侯
略之諸侯無罪何爲見略故知晉大夫與
齊大夫不異亦不爲公不及大夫以無君而
有大夫譏諸侯不宜會之故略之也惟華
孫旣稱姓字則不當書官而云司馬華孫
者華本大夫特司馬非君所命故譏而書
官不去其姓字也華孫之來宋人無喪而
云無君者上年秋宋子哀來奔宋子是嗣
君之稱下年又書宋弑其君則宋亂可知
疑亦喪君而經文闕故子哀云無聞也或

者華孫二字後人依公左二經加之穀梁
本經無華孫不然傳不得直云官稱而已
列國君薨而有大夫者鄭祭仲蔡季晉卻
缺卻卻攀荀偃韓起荀吳荀躒衛世叔儀石
曼姑陳干徵師齊國書宋華元皆在三年
之內不官舉是先君命大夫也此十人未
畢喪而孤命之改父之臣故書官書氏也
穀梁屬詞比事不據史文凡此未爵無君
之義要受之先聖但公羊文凡此未爵無
識世卿譏內娶穀梁無此義耳今總列以
見義仍分釋廢疾於後庶使傳義大明云
其一曰僖二十五年宋殺其大夫傳曰不
稱名姓以在祖位尊之何廢疾曰曹殺其
大夫亦不稱名姓豈可復以爲祖乎鄭釋
曰宋之大夫盡名姓禮公族有罪刑於甸
師氏不與國人慮兄弟也所以尊異之孔

子之祖孔父累於宋殤公而死今骨肉在其位而見殺故尊之隱而不忍稱名氏其位而見殺故尊之隱而不忍稱名氏
異姓然此乃祖之疏也大者名之而已使若
厭夫無大夫不稱名氏耳春秋詞同事異者
以無大去即位以見讓莊去即位為繼弑
甚多隱去即位以見讓莊去即位為繼弑
是復可以此例非之乎申義曰鄭以孔父
比諸大夫皆為孔祖以曲申或說非也禮
不逮事父則不諱王父孔子當襄公時去
僖五世何至以私諱疑誤後學又况舍故
諱新臨文八年宋人殺其大夫以官稱無
城來奔傳云以官稱無君之辭也文七年
宋人殺其大夫以官稱無君之辭也文七年
經明之三文俱承宋公王臣卒之下與盟

於暨之事相比彼以無君不名知此亦無
君也武氏子稱氏者不可云周大夫故也
何廢疾曰近上七年宋公王臣卒宋人殺
其大夫不言官今此在三年中言官義相
達鄭釋曰七年殺其大夫此實無君也今
殺其司馬無人君之德耳司馬司城君之
爪身守國之臣乃殺其司馬奔其司城無
道之甚故稱官以見輕慢也傳例稱人以
殺二有罪也此上下俱失之申義曰鄭君
以己意答難非傳意也傳總言無君而說
傳者分爲二義此書官者若言宋人殺其
大夫宋大夫來奔卽不詞矣故具列其官
卽如何君難宋三世無大夫事同一律而
前不官舉後舉二官豈前大夫無官耶
其三曰宣十年齊崔氏出奔衛傳曰舉族
而出之何廢疾曰氏者譏世卿也卽稱氏

爲舉族而出尹氏卒甯可復以爲舉族死
乎鄭釋曰舉族死是何妖問甚乎舉族而
出之之詞者固譏世卿也崔杼以世卿專
權齊人惡其族令出奔既不欲其身反又
不欲國立其宗後故孔子順而書之曰崔
氏出奔衛若其舉族盡去爾申義曰鄭君
以公羊世卿解穀梁可謂操戈而誤入室
也穀梁本無譏世卿之意齊高國魯三家
晉欒郤趙魏諸族宋華衛孫皆世卿其來
奔奔他國初不書氏何爲獨惡崔氏乎尹
氏武氏承天子崩之下此崔氏亦承齊侯
卒之下彼未爵而命之此未爵而逐父之
臣二事雖異其改父之臣同也穀梁特嚴
父卒孤未爵之文以教孝也其或書大夫
或書氏或書官者屬詞之體耳假令書宋
人殺其大夫宋大夫來奔二大夫相承則

文
六年

夏成周宣灾

傳志也

不

不詞故必加司馬司城二官也假令書周
大夫卒天王使大夫來求傳則天子之大
夫尊於諸侯不可言大夫尤不可言周大
夫故必書尹氏武氏也假令書宋大夫來
盟齊大夫出奔衛則似大夫盡來盡奔故
必云司馬崔氏也其宋殺大夫盡來盡奔
暨晉大夫盟扈文無所嫌故直云大夫也
曹無大夫自與此異故亦可不書官氏也
其餘諸侯之大夫承上而略之
亦不嫌與未爵書大夫相同也
申義曰亦云周灾志也定本作不志也
讀若邪弟子問詞也周灾惟此一書疑周
同外灾不志故問之本志周灾直云成周
灾可矣宋焚公宮而不地何言宣謝故疑

周灾不志而云宣謝爲異也謝今作榭非
謝序也孟子曰序者射也謝序豫射音皆
近鄉射記曰序則物當棟堂則物當楣鄉
射經曰豫則鉤楹內堂則由楹外謝對堂
言之鄭云凡屋無室曰榭序又曰無室曰
介正曰東西牆謂之序又曰無室曰榭榭
卽序以無室得專名序則凡有室無室皆
有此名蓋先有序名後以無室者爲序之
制而改名射因加言旁耳介正又云臺有
木者爲榭則無射義直取射聲故說文無
榭

成二年秋七傳蕭同姪
月爰婁之盟

申義曰公羊作蕭同姪子何云蕭同國名
姪子者蕭同君姪娣之子嫁於齊生頃公

年成
春六
二月辛巳立武宮

范注蕭國同姓姪子字也楚人滅蕭其母
更嫁齊生頃公范說蓋本舊師說非也蕭
同附庸之國蕭之同邑也蕭同姪子乃齊
頃公妹嫁於蕭同為媵史記正義索隱皆
引世本云蕭氏子姓故稱姪子也姪子母
即頃公之母頃公妾子故同母女弟為媵
云姪子母者諱其賤也若如何說未聞稱
人之母而本其所生故知當作姪子之母
公羊傳蕭同姪子踊於楫而窺客此頃公
之妹所為卻克欲以姪子之母為質者故
以難齊耳又姪子已嫁於蕭同不得向齊
索之為質後傳涉上文而脫之母二字耳
左氏作同叔
尤為不詞

年成

申義曰范注舊說武公之廟毀已久矣禮
記明堂位曰武公之廟武世室也則不毀
也今案武公隱之曾祖諸侯五廟祭四世
則當莊公時已祧及武明堂位云魯君臣
未嘗相殺必在惠公前作疑武公當宣王
時有匡王室之功賜諡曰武而許其不毀
故記明堂者比之世室至成九世而復立
別宮以祀之者蓋莊僖時未用世室之制
而依親祧之至成時乃追先議而定為世
室非作記時已立武宮也必知作記在隱
桓前者以云未殺君非宮可也虛言若在
仲遂之後自可不論及此無容明知而自
發其覆其所云武宮比世
室必有其議而未立耳
春取鄆傳也鄆國

申義曰經書內取而無伐文者成二年取
 汶陽田襄十年取閼皆不云國名又宣九年
 繪三十二年取閼皆不云國名又宣九年
 秋取根牟亦無傳汶陽闕內邑不疑繪國
 亦明根牟承上齊侯伐萊之下蓋萊邑也
 部承上季孫宿救郕入鄆之下蓋莒邑也
 此經上無其比故知為國即入極入杞之
 比耳公羊以為邾婁邑不繫邾婁諱亟也
 以上與邾婁子為蟲牢盟歸未三月而取
 其邑故使若他國然穀梁無此諱義故特
 發鄆國之傳師授
 不同致有異說耳

成八年秋七月天子使召伯來錫公命傳

子何也曰見一稱也

天曰

申義曰公羊以爲元年春王正月正也其
餘皆通何注以天王天子王相通以見刺
譏今此云見一稱者傳未顯言何注公羊
以王爲號天子爲尊以成幼君當如父教
子不當遽錫命恐非穀梁之義欲見天王
可稱天子亦不必於經見之假令經不書
天子豈遂疑王非天子乎穀梁凡錫命皆
譏桓自無王文自無天子不稱天王未見
王之意惟成錫命內無譏正可見譏王之
意故改稱天子一稱見譏錫命也錫命當
譏者王者天下所歸往若人不當文綏
之武威之何得降尊就卑反以命就賜之
乎強臣雖無王然欲得王命以自重以欺
天下故海外及叛藩明知王力不能討王
命不足榮而終以譏天王命爲重也天子
侯同是爵故以譏天王不爲人所歸而惟

建空名自周以降凡以九錫王封授強臣

乃至如明季封孫可望皆以為不錫命不

成九年夏季孫行父如宋致女傳致者不致

在家制於父既嫁制於夫如宋致女是以我

盡之也不正故不與內稱也逆者微故致女

詳其事賢伯姬也申義曰何注公羊以為禮有致女今云不

正者禮經無明文各以意言以不稱使故

成十年有正也春周公出奔晉傳周有入無出其一

之也言其上下之道無以存也上雖失之下孰敢有之今上下皆失之矣

申義曰公羊以爲自其私土而出今知譏下者穀梁無新周之義周公天子之相假令自私土而出猶京師寢內也君相失道各一見以譏之

成十年有秦伯卒

申義曰當云秦伯卒據世本桓公名和秦伯不名卽當有傳今無傳又無注知脫落在范氏之後釋文不言與左氏異則脫落在陸氏之前也公羊亦無名亦脫落也皆以何范

成十年有三月乙巳仲嬰齊卒

傳此公孫也其曰仲何

也子由父疏之也

申義曰下十七年十一月壬申公孫嬰齊卒於狸貉此文不當云仲嬰齊卒以仲嬰齊即公孫嬰齊一人不得二卒也公羊作二卒故弟子問云非此月日也曷爲以此月日卒之言嬰齊已於十五年三月乙巳卒也傳乃答以待君命然後卒明前是實卒後乃發喪耳下十二月丁巳朔十一月惟有三壬辰壬寅壬子公羊作壬申誤也何云王申非十一月以解非此月日亦誤具在公羊牋穀梁經文必不疑必當有傳且弟公羊有二卒文乃是公羊疑必當有傳且弟子何由知公孫嬰齊即仲嬰齊乎此當云仲嬰齊出奔晉後人以公羊左氏二經改之左氏以爲二人故可二卒穀梁不然也

成十六年六月甲午晦晉侯及楚子鄭伯戰于鄢陵

傳日事遇晦日晦

申義曰公羊云晦者何冥也穀梁以為晦日者二家歷不同公羊以己卯晦為晦冥而此推得甲午為晦日以戰事不必闕天之冥晦比法戰書朔例耳

成十七年九月辛丑用郊傳宜用者不

申義曰公羊義同而引或說用然後郊於文用從卜中卜從然後郊郊之常也卜不

從不郊其變也穀梁凡用皆不宜用無取卜中

襄九年春宋災傳外災不志此其志何也故宋也

申義曰公羊作宋火此云宋災以外災不
志無須分大災小火也故宋者公羊王魯
之義穀梁不傳而聞有故宋之說故桓二
年云孔子故宋而此直云故宋謂親宋也
孔子修春秋為百王法以私親故宋者宋
本王者之後周室所敬乃得異於餘國或
說專以孔子宋人而親宋假使孔
子吳人楚人亦親吳楚乎必不然
襄十年祖之傳汲鄭

會公至自會傳伯
申義曰范云汲猶引也王引之曰汲當作
沒讀若不沒其身之沒沒鄭伯卒鄭伯也
引之改字是而義非也沒者深沒其文
沒鄭伯者沒不見其弑使若正卒然
襄十有一年春王正月作三軍傳
子古者天

諸侯一軍

申義曰一軍當作二軍公羊云古者上卿下卿上士下士諸侯不備中等也卿爲軍將二卿則二軍周官曰軍將皆命卿下經舍中軍貴復正知此作三軍惟增一軍不得得云諸侯一軍舍一軍猶有二軍尤不得言復正也周官言大國三軍蓋二王後也周官上公之禮與諸侯絕異上公惟宋耳

襄十九年秋晉士句帥師傳爲士句者宜奈侵齊至穀聞齊侯卒乃還傳何宜殫帷而歸命乎

申義曰聘禮經曰未入境壹肄爲帷壇畫階朝服介皆與此殫帷者以還師使若受

命而還又使介先歸請命乃敢入也

襄二十七年夏衛殺其大夫甯喜衛侯之弟專出奔

晉傳專之去合平春秋

何廢疾曰甯喜本弑君之家獻公過而殺之小負也專以君之小負自絕非大義也何以合乎春秋鄭釋曰甯喜雖弑君之家本專與約納獻公爾公由喜得入已與喜以君臣從事矣春秋撥亂重盟約今獻公背之而殺忠於己者是獻公惡而難親也獻公既惡而難親專又與喜為黨懼禍將及君子見幾而作不俟終日微子去紂孔子以為三仁專之去衛其心若此合於春秋不亦宜乎申義曰凡鄭釋何皆取偏詞

襄七年

秋七月辛巳豹及諸侯之大夫盟于宋

此傳云專喜之徒也是亦弑君者也喜不
賢明矣賴一去合春秋故得稱弟穀梁義
凡稱弟皆貴之此貴專有信而遺利耳公
羊義惡剽惡喜惡獻公惡專穀梁亦然特
許專能去開改過之路全兄弟之仁身不
被禍兄不傷恩非貴專也貴其去也何以
專不宜絕兄則傳言惡獻有明文獻惡而
必從之黨惡以圖利賣友以求容烏乎可

傳

豹云者恭也諸侯不在而曰諸侯

申

義曰公羊以再出豹為殆諸侯今云恭

者

經書內大夫去氏者無佗輩俠柔溺先

氏

後挈者公子遂如齊逆女遂以夫人婦

姜

至自齊公孫歸父如晉歸父還自晉叔

孫僑如如齊逆女僑如以夫人婦姜氏至
 自齊晉人執季孫意如意如至自晉晉人
 執我行叔孫婼婼至自晉無氏皆為貶
 與未命先氏後挈皆為恭此豹與大夫盟
 非有君夫為人臨之而亦挈欲明大夫皆恭
 也公羊以為殆者衛侯已無信石惡又甯
 喜之黨故以明擇交遠小人義穀梁直
 比諸內大夫挈者為恭而說故不同也
 襄三年夏四月蔡世子般殺其君固傳其不
 十年夏四月蔡世子般殺其君固傳其不
 奪父政是謂夷之

何廢疾曰蔡世子班弑其固不日謂之夷
 楚世子商臣弑其君何以反書日邪鄭釋
 曰商臣弑父日之嫌夷狄無禮罪輕也今
 蔡中國而又弑父故不日之若夷狄不足

責然公羊有若不疾乃疾之推以况此則
無怪然徐乾曰凡中國君正卒皆書曰夷
狄君卒皆不日夷狄弑君而日者閔其爲
惡之甚中國君卒例日不弑與不弑也
至於卒而不日乃與夷狄同例申義曰凡
變書皆有意義鄭答是也公羊義正義曰
中國君弑日者衛完宋與夷公羊義正義
晉夷皋鄭夷陳平國晉州蒲齊光衛剽蔡
申十一君不日者晉卓齊舍宋杵臼齊荼
五君夷狄不日者莒庶其吳餘祭莒密州
楚虔吳僚五君不月者薛比一君世子弑
者楚商臣日嫌夷狄不責之許止日嫌實
弑也中國不日爲不成君蔡固
襄卅年冬事無所比故云夷之也
晉

澶淵之會

傳

趙武楚屈建之力也

晉

申義曰楚不與此盟而云屈建力者代功
 曰屈建始會于宋趙武終會澶淵以卹宋
 故要言之昭四年會申楚始復稱兵自二
 十七年溴梁之會盟宋至昭三年凡八年
 一十年冬十有一月丁酉楚子滅蔡執蔡世子
 友以歸用之傳此子也其曰世子何也不
 與楚殺也一事詳乎志所

以惡楚子也
 何廢疾曰卽不與楚殺當貶楚爾何故反
 貶蔡稱世子耶鄭釋曰滅蔡者楚子也而
 稱師固已貶矣楚子思啟封疆而貪蔡誘
 殺蔡侯班冬而滅蔡殺友惡其淫放其志
 殺蔡國二君以取其國故變子言世子使
 若不得其君終申義曰公羊以爲不君靈

公不成其子誅君之子不立也今云惡楚
子者經書誅君之子爲君者多矣事無可
比故知惡楚也公羊以班殺父爲中國僅
一見之事故特變其文以重父子之義穀
梁重夷狄之防不妨爲異也

昭

十有二年春齊高偃帥師納北燕伯于陽

申義曰公羊以爲伯于陽者公子陽生之
誤今傳不言者以納蒯瞶於戚比之陽者
北燕之邑也納君者楚納頓子及此皆不
名而傳獨問燕伯不名何也以楚夷狄齊
中國故問之公羊以伯款出奔齊與蒯瞶
犯父命不同不當云于陽又頓子不書出
奔微國出入不兩見故引孔子言正其誤
公子陽生北燕公子非齊公子也穀梁不

受微言直以事
比故文歧異也

昭十二年 晉伐鮮虞 傳其曰晉狄之也其狄

年冬 狄交伐中國 故狄稱之也

何廢疾曰春秋多與夷狄並伐何以不狄
也鄭曰晉不見因會以綏諸侯歸而
伐同姓貶之可也狄之太重晉為厥慙之
會實謀救蔡以八國之師而不能救楚終
滅蔡今又伐徐晉不糾合諸侯以遂前志
舍而伐鮮虞是楚而不如也故狄稱之焉
范曰鄭君之說是依左氏申義曰上書楚
子伐徐不狄楚而此狄晉故鄭疑其太重
乃以救蔡解之今檢經書中國從夷國舉
者成三年鄭伐許及此而已鄭之為國力

屈於夷其年諸侯方連兵伐鄭故去疾初
伐許不夷狄之至冬再伐而後狄之惡其
恃楚而強也晉爲盟主於楚侵中國常出
兵爭戰救之縱令力屈不能舉兵何乃出
師以伐他國而不敢敵楚是授楚以柄喪
中國之威成夷狄之勢莫大於此故於此
狄晉以一見其義是穀梁謹夷夏責伯主
慎兵威明機權儒者之宏義也何君之言
公羊意亦如此但以夷狄中國一年內舉
是何之不容也今以夷狄中國一年內舉
兵者條列
而論之
一事曰莊十年秋九月荆敗蔡師於莘冬
十月齊師滅譚桓公初入未爲伯故不狄
之然譚子失國
不名則亦惡齊

二事曰莊廿八年秋荆伐鄭公會

齊人宋人救鄭傳曰善救鄭也

三事曰莊卅二年冬狄伐邢至

閔元年春齊人救邢也

四事曰閔二年十二月狄入衛僖元年齊

師宋師曹師次於聶北救邢傳曰言次非

救而曰救遂

齊侯之意也

五事曰僖元年秋楚人伐鄭九月公敗邾

師於偃邾來伐我非起兵伐邾故無譏也

六事曰僖三年冬楚人伐鄭四年春公會

諸侯侵蔡遂伐楚以桓公爲知所侵也

七事曰僖五年秋楚人滅弦六年夏公會

諸侯伐鄭圍新城傳曰伐國言圍邑著鄭

伯之罪也秋楚人圍許

諸侯遂救許善救許也

諸侯遂救許善救許也

諸侯遂救許善救許也

八事曰僖十年春狄滅
溫夏齊侯許男伐北戎

九事曰僖十五年春楚人伐徐諸侯之大
夫帥師救徐傳曰善救徐也其秋七月齊

師曹師伐厲厲益楚與國
故書月以謹之亦善之也

十事曰僖十八年冬邢人狄人伐衛傳曰

伐衛所以救齊功近而德遠故進狄稱人

十一事曰僖二十一年春狄侵衛秋楚子

執宋公伐宋冬公伐邾楚人來獻捷十二

月公會諸侯釋宋公傳曰不與楚專釋也

明譏公黨於楚交伐中國但魯非伯主恕

其力不敵

譏楚而已

十二事曰二十二年冬十一月宋楚戰於
泓明年春齊侯伐宋圍閔傳曰伐國而言

圍邑不正其
惡報惡也

十三事曰僖二十六年冬公以楚師伐齊
取穀公至自伐齊傳曰惡事致危之也
十四事曰僖二十七年冬楚人陳侯蔡侯
鄭伯許男圍宋傳曰人楚子所以廢疾曰哀
不其信夷狄而伐中國也何廢疾曰哀
元年楚子陳侯隨侯許男圍蔡不稱人明
不以此故也鄭釋曰時晉文為賢伯故譏
諸侯不從而信夷狄也哀元年時無賢伯
又何據而當貶之耶鄭以晉文已伯未也
文明年始伯此以公方信楚人楚子以人
諸侯卑諸侯所以卑公不於乞師以楚師
卑公者去公則嫌公子遂會楚伐齊故於
此人諸侯以見義耳傳義譏內不譏外也
十五事曰僖三十三年春秦人入滑夏四

月晉人及姜戎敗秦於殽傳曰狄秦也其
夏狄侵齊公伐邾取訾樓魯非伯主齊又
大國不假魯救故不譏伐邾也
十六事曰文三年秋楚人圍江冬晉陽處
父帥師伐楚救江傳曰伐楚所以救江也
明年秋楚人滅江晉侯伐秦秦楚與國也
十七事曰文七年夏狄侵我西鄙
冬徐伐莒徐夷狄復國稱之
十八事曰文九年春楚人伐鄭公子遂會
晉人宋人衛人許人救鄭明亦以救爲善
十九事曰文十年春秦伐晉秦本夷狄今
復國舉比年秦狄楚交侵中國十二年楚
人圍巢冬十二年秦月戊午晉人秦人戰於河
曲傳曰不言及秦晉之戰已亟故略之也
晉雖自救然當先服楚故略之也
二十事曰宣元年秋楚子鄭人侵陳遂侵

宋晉趙盾帥師救陳傳曰善救陳也宋公
陳侯衛侯曹伯會晉趙盾於棐林伐鄭傳曰
列數諸侯而會晉趙盾大趙盾之事也其
日師何也以其大之也於棐林地而後伐
疑詞也此其地何則著其美也冬晉趙穿
帥師侵崇崇疑楚與國也晉人宋人伐鄭
傳曰伐鄭所以救宋也稱之尤詳而不殺
蓋是時楚鄭既合盾有存中國之功也明
年春秦師伐晉秦自殽始為狄貶文自明
是年夏晉宋衛陳復侵鄭鄭已合於楚非
中國也
二十一事曰宣三年春楚子伐陸渾戎夏
楚人侵鄭秋赤狄侵齊宋師圍曹宋不譏
者非伯國異於齊晉又異於魯有內辭故
恕之也
二十二事曰宣五年冬楚人伐鄭六年春

晉趙盾衛孫免侵陳傳曰不言帥師不正
其敗前事前事即裴林救鄭之事也
二十三年事曰宣八年夏晉師白狄伐秦秦
夷狄也
廿四年事曰宣八年冬楚師伐陳九年秋九
月晉荀林父伐陳陳已服於楚也冬楚子
伐鄭晉郤缺帥師救鄭蓋亦善之十一年
楚子入陳十二年春圍鄭夏六月有邲之
戰傳曰日其事敗也言書日謹之亦惜之
也是年冬楚子滅蕭宋師伐陳衛人救陳
宋衛反覆於楚不足深責故無譏文也
廿五年事曰宣十四年秋楚子圍宋十五年
六月癸卯晉師滅赤狄潞氏傳曰夷狄不
日其曰潞子嬰兒賢也潞子何賢正以晉
不伐楚而滅潞潞雖夷狄猶奪晉而與潞
耳

廿六事曰成二年冬楚鄭侵衛三年春公會諸侯伐鄭鄭已服楚故冬伐許狄鄭鄭冬晉欒書帥師救鄭鄭亦善之也七年鄭以伐中國復狄之不稱吳人也吳入州來八事曰成九年冬楚嬰齊伐莒楚人入鄆秦人白狄伐晉鄭人圍許秦鄭皆一狄之不復狄也明年春衛侯之弟黑背帥師侵鄭穀梁義凡稱弟皆賢之貴之此稱弟是賢其伐鄭也至襄元年鄭與楚伐宋皆不狄鄭從一譏也

廿九事曰襄五年冬楚公子貞帥師伐陳公會諸侯救陳傳曰善救陳也

三十事曰襄九年冬楚子伐鄭十年春桓之會夏五月甲午遂滅傅陽傳曰遂直遂

也。不以中國從夷狄也。公至自會。傳曰：會夷狄，不致惡事，不致此。其致存中國也。會吳多矣，不嫌從夷狄。今云云者，譏諸侯不救鄭而興師滅傅陽，故使若因會而滅傅陽，非起兵特往，又不能救鄭之恥而存中國也。致以深掩覆，不能救鄭之恥而存中國也。是夏楚鄭再伐宋，秋諸侯伐鄭，楚救鄭，公乃以伐鄭致前城虎牢，不云鄭而此年戌鄭虎牢，傳曰：決鄭乎虎牢，決別也。狄鄭也。是其義明矣。范注云：五年會於戚，十四年會向不殊吳，今以吳復夷狄而外之，非傳意也。傳意異其會以外之，以般中國不能敵楚之恥耳。明年秋，楚子鄭伯伐宋，諸侯伐鄭而得鄭矣。

沒之十八年冬楚公子午帥師伐鄭明年
春取邾田自漕水傳曰不日惡盟也亦譏
內也昭四年秋七月楚子及諸侯伐吳遂
滅厲九月取緇亦譏內也滅厲不譏中國
從夷狄者以遂爲繼事之文使若夷狄相
滅也
卅二事曰定五年秋楚人圍蔡晉士鞅衛
孔圉帥師伐鮮虞正與此伐鮮虞同彼不
譏與夷狄交者下冬十一月庚午蔡侯以
吳子及楚人戰於柏舉已喪吳子信中國
攘夷狄進吳爲伯故略不責晉也
卅三事曰定十五年春二月辛丑楚子滅
胡夏鄭罕達伐宋不譏者同於宋圍曹衛
救陳哀元年楚子陳侯隨侯許男圍蔡不
譏者亦同鄭宋諸國力屈服楚傳不譏也
哀九年夏楚人伐陳秋宋公伐鄭亦其類

也

卅四事曰哀十年春公會吳伐齊五月公

至自伐齊惡事不致以狄吳則譏文自明

致公以危之也十一年五月公會吳伐齊

則從惡事不致之例亦從一譏也

卅五事曰哀十三年夏楚公子申帥師伐

陳秋晉魏多帥師侵衛公羊作魏多爲譏

二名穀梁無譏二名之說魏曼多變稱魏

多必是譏其伐中國也不狄之者晉人微

故稱國爲狄大夫而稱國嫌是微者又不

可去氏故去名之一字譏文自顯傳不言

者未受之師今穀梁經作魏曼多後依左

氏加曼字耳當從公羊而與夷狄交伐中

國爲說也

總此三十五事觀之何君所駁了無所據

鄭君所答實亦未盡穀梁之義豈云短乎

卷一

星

楚伐徐徐非中國而傳云與夷狄交伐中國者晉不攘楚是與夷狄交也又伐鮮虞是伐中國也責伯主之詞深狄晉非重當夷狄交侵中國尤宜輯睦不然皆入狄矣

昭十年八月甲戌同盟于平北公不與盟傳

以同者有同也同外楚也公不與盟者可與而不與譏在公也其日善是盟也申義曰公羊以為諸侯送亂反陳蔡君子不恥不與盟今云譏公者此諸盟稱同者皆大其同盟若不恥不與何為言同故知譏公下書公至自會亦危之喜之耳公羊以諸侯不乘此討楚為失機而墮義穀梁度勢不責討楚故以陳蔡得歸為善一張王者之法一論當時事實故不同也

昭十七年

楚人及吳戰于長岸

傳兩夷狄曰

夷狄亦曰敗楚人及吳戰

於長岸進楚子故曰戰

申義曰若不進楚子當云楚人敗吳於長

岸如於越敗吳於檣李也然與中國敗夷

狄同文其進不顯故變文起之公羊以為

俱無勝負今知吳敗者以晉人秦人戰於

河曲乃無勝負彼以貶晉略不言及今兩

狄亦可作戰於長岸下當有吳師敗績之文

及吳戰於長岸去吳敗為特異之文也

而進楚狄吳故去吳敗為特異之文也

昭十八年夏五月傳人有謂鄭子產曰某日

王午宋衛陳鄭灾

惡知之是人也同

日為四國灾也

申義曰也字俱讀為邪言人豈能同日為

四國灾邪明天定非人所知傳也邪同用

者定四年劉卷卒云賢之也定十三年趙

鞅歸於晉傳云則是大利也也亦讀為邪

昭二十冬十月天王入于成周傳周有入

申義曰傳凡言入者皆內不受今云有入

者天王自狄泉歸成周若言歸於成周不

見定亂之文比僖二十四年天王出居於

鄭言出不言入是王失天下今言入不言

出是王宜得天

下故其詞異

定元年秋傳請乎應上公古之神人

九月大雩傳有應上公者通乎陰陽

申義曰山海經大荒東經云大荒東北隅

中有山名曰凶犁土丘應龍處南極殺蚩

尤與夸父不得復上故下數旱旱而爲應
龍之狀乃得大雨楚詞天問應龍何畫河
海何厯王逸曰或曰禹治洪水時有神龍
以尾畫導水徑所當決者因而治之應龍
人名故能殺蚩尤夸父佐禹平水廣雅以
有翼曰應龍又龍之名也爲狀者今畫象
塑象之類非必爲土龍也應龍蓋爵爲上
公或者祀以上公之禮故謂之曰應上公
今值雷雨有鷹形之物誤入人家不得卽
上乃廣雅所謂鷹龍應鷹字通俗以應龍
爲雷公也

定元立煬宮

申義曰魯祀周公爲太廟伯禽爲世室又
立武宮配之則始封及有功之君皆崇祀

矣故立煬宮煬公伯禽子考公酋之弟名

熙考公無子魯君皆煬公之後也史記曰

煬公築茅闕門六年卒世本曰煬公徙魯

宋忠曰今魯國是煬公為魯遷祖故立之

左氏以季平子禱煬公而立

之亦以煬始遷而禱之也

哀二晉趙鞅帥師納衛世子敞聾于戚傳

年夏晉趙鞅帥師納衛世子敞聾于戚傳

納者內弗受也以輒不受父之命受之王

父也信父而辭王父則是不尊王父也其弗

受以尊王父也

鄭曰此疑釋廢疾蔽聾欲殺母靈公廢之

是也若君薨有反國之道當稱子某如齊

子糾也今稱世子如君存是春秋不與蔽

聾得反立明矣輒距蔽聾二傳無異詞江

然范甯乃爲異論自是父子之論起矣然
二傳俱以父與王父爲比故啟俗疑論凡
傳言王父云者特就俗父子之說駁之以
俗人難悟姑以求勝其實不必奉王父以
敵父也今申其義曰論語冉有問子貢夫
子爲衛君乎子貢以伯夷叔齊爲問而曰
夫子不爲也若春秋許軫拒父二賢何
爲此問春秋既許拒父孔子復不爲軫者
春秋大法也求仁得仁人情也以事論之
子既見逐父喪不赴卿大夫奉軾而立之
本不宜計及蔽贖也輒既先立爲嗣而不
辭不容待王父死而始憶有父也輒既不
能辭於先立之時待王父死而以位讓父
是以位爲利而私以與父既欺王父而又
以利餌父尤非義也輒既不可告喪於蔽
贖蔽贖何由奔喪假令單車奔赴猶不可

納況以他國之兵入乎兵入境則發兵拒之。不待再計也。經書納蔽贖於戚與鄭伯。突入於櫟。同文皆不言入其國而入其外。邑是叛。篡之詞也。國君一體不得全論。父子弑父宜舉父爲重。而經云弑其君父。殺子宜無大責。而書某侯殺其世子重於殺大夫。凡以體國也。蔽贖聞父喪若單車奔赴輒亦未必拒之。迎養宮中。此其宜也。今乃哀父之情。亡奪國之情。急外挾強兵。內據城邑。有滅衛之勢焉。輒受命而爲君。聞有外兵。何容不守。若開關延敵。釋殯出奔。社稷不守。晉兵必入。蔽贖於輒。豈有父恩。國滅身亡。在此一舉。故經書趙鞅帥師。明輒所拒者趙鞅也。納於戚。奪蔽贖於衛也。書世子臨之以君父。明非輒之父也。三年春。齊國夏衛石曼姑帥師圍戚。先國夏。

明非子圍父而鄰國宜助衛惡蔽賸也傳
曰不繫戚於衛者子不有父也言衛戚則
靈公之戚世子安得據之故絕其人倫而
全爲邦人也蔽賸據戚伺隙而逞戚一日
不克衛一曰不安不惟當拒之又必圍之
圍之而克逐晉兵迎世子尊養之而不圍之
政以報私恩耳不幸而世子死於兵刃輒
唯發喪成服而不可讎殺父之人以父受
誅故也然子視父死心必不忍故本推輒
之義宜先不立也輒始立時未必知父當
稱兵父廢子立今古之常故聖人不深責
也今既立矣外兵奄至蔽賸既與戚不兩立
而入輒復不可單車而出衛與戚不兩立
也若責輒拒父卽教輒棄國且容蔽賸叛
父而讎宗國不可之甚作史者容知有子
南可立作春秋惟見衛有嗣君輒去則蔽

賸入蔽賸入則亂臣賊子得志於諸人何
利乎故春秋深沒輒之文使若非蔽賸之
子然母有子貢因疑夫子爲衛君也以情
論之守禦稍定輒當告於殯謀於廟選親
賢而讓之已則去之至餓死而不怨以全
父子之恩此大賢之事也伯夷叔齊不辭
於先而辭於父死後不爲彰父之過輒何
必懼衛無君代父而立故以之比也經惟
書事既不見衛侯輒之文則惟有人蔽賸
父而初無輒拒父之說晉人蔽賸之
流言耳江熙曰鄭世子忽反正有明文不
知忽已先立而突爭之故明乎熙又曰齊
世子商臣蔡世子有亦當立乎熙又曰齊
景公廢世子陽生還國書纂經初無世子
陽生之文何云景公世子乎熙云靈公不
命輒以傳從王父之言爲失傳云尊王父

者明世子叛父非輒拒父假使靈公不命輒則衛人拒蔽賸尤非輒之過也使輒合眾以拒晉兵亦有安社稷之功可立也穀梁儒生而能傳此大義故可爲經訓耳如小儒之見以國授晉且登叛人矣

哀五年齊陽生入于齊齊陳乞殺其君荼傳

陽生入而弑其君以陳乞主之何也不以陽生君荼也其不以陽生君荼何也陽生正荼不正不正則其曰君何也荼雖不正已受命矣陽生其以國氏何也取國於荼也何廢疾曰卽不使陽生以荼爲君不當去公子見當國也又穀梁以爲國氏者取國於荼齊小白又不取國於子糾無乃近自相反乎鄭釋曰陽生篡國故不言公子不

使君茶謂使陳乞殺君爾茶與小白其事
相似茶弑乃後立小白乃後弑雖然俱
篡國而受國焉爾傳曰小白入於齊惡之
也陽生其以國氏何取國於茶也義適互
相足又何自反乎糾宜立而小白篡之
非受國於子糾則將誰乎申義曰公羊以
齊陽生爲當國以其詐諸大夫於陳乞家
同於叛亂械成也何以難穀梁不君茶若
不君茶當加楚公子棄疾弑公子比穀梁
坐陳乞以弑君如晉里克弑其君卓彼惠
公亦不君卓但先弑後入故不見夷吾之
入此入而後弑不可不坐陽生弑君故書
入也實非陽生之君故以乞主之也齊子
糾未立故不得言取國於子糾若如何意
當云齊公子陽生入於齊陽生正不得言
公子也云齊世子陽生入於齊陽生未爲

世子也當國者弑而伐之之辭前齊無知弑其君諸兒是也陳乞外姓如崔杼趙盾若陽生不當國乃是全歸罪於陳乞穀梁與公羊無殊也

穀梁申義卷一終